

Date – 13/09/2024

Time - 18:30 -18:40Hrs

REGIONAL NEWS BULLETIN

EADLINES (EVENING)

- 1. Tun thla chhunga hawn hman tura ruahman Mizoram sawrkar Flagship Programme Handholding Scheme chungchang inhrilhhriatna - Minister leh sawm bik te pualin buatsaih a ni.**
- 2. Kolasib ah Burma Kuhva nizana man anih hnuah vawiin khan Kolasib Bawrsap in Kolasib District chhungah ram pawn atanga Dan lo a Kuhva lakluh titawp turin khapna thupek a chhuah nawn.**
- 3. Supreme Court chuan CBI ten excise policy-a eirua puh avanga an man Delhi Chief Minister leh Aam Aadmi Party (AAP) national convener Arvind Khejriwal chu vawiin khan bail-in a chhuah.**
- 4. Union Cabinet chuan Electric Bus 38000 leina tur scheme cheng vaibelchhe 3435 hu a pawm.**

<><><>

CM

Tun thla chhunga hawn hman tura ruahman Mizoram sawrkar Flagship Programme Handholding Scheme chungchang inhrilhhriatna - Minister leh sawm bik te pualin Mizoram State Policy Coordination Committee ten an buatsaih.

Planning & Programme Implementation Conference Hall-ah Chief Minister Pu Lalduhoman he hun hi a kaihruai a, Chief Minister chuan, Bana Kaih Scheme a taka kalpui a ni thei hnai ta a ti a. Kumin bik hi chu Pilot phase angin an kal phawt ang a, nakum atang chuan huamzau taka kalpui tum a ni ang, a ti a.

MSPCC Member Secy Pu Lalmalsawma Pachuau chuan scheme kalpui dan tur sawifiahin, he scheme Apex Body chu Mizoram State Policy Coordination Committee a ni a. Nodal department thlan chhuah te hmanga kalpui tur component panga nei a ni ang. Hmalakna chhawrtute hi beneficiary ti lovin progress partner tih tur an ni a, dil tur a ni. Thawhpui tur hi line department ten an thlang ang a, training leh thil tul dang apiang an tihpui ang a, hma an lakna tinah an kaihruai ang.

A kalpui dan tur kimchang te, a dil dan te, a bawhzui zel dan tur te chu hawn a nih hnuah chiang zawka tarlan a ni ang.

He hunah hian thlai thar lei dan tur ruahmanna inhrilhhriatna hun pawh an nei nghal a. Sawrkar chuan ruahmanna a lo siam tawh angin thlai thlan chhuah palite chu a tul ang zela support price pek ngei a ni dawn tih tarlan a ni.

<><><>

INTENSIFIED IEC CAMPAIGN

HIV/AIDS leh mipat hmeichhiatna atanga natna inkaichhawn theih (STI) chungchang inzirtirna beihpui Intensified IEC Campaign, India Fight Against HIV AIDS and STI Rally chu Mizoram hmun hrang hrangah neih mek a ni a, vawiin khan Kolasib DC Pu Robert C. Lalhmangaihan Kolasib DC kawtzawl atangin a vailiam a.

Rally hi Kolasib DC Kawtzawl atanga bul tanin Diakkawn YMA Hall thleng neih a ni a. Kolasib a School hrang hrang te chuan HIV, STI leh a kaihhnawih natna te do a nih theih nan awareness thuziak hrang hrang banner leh cardboard thuziah te an keng a ni.

Rally neih zawh hian Diakkawn YMA Hall-ah hun tawi leh lawmman semna hun hman a ni.

‘Intensified IEC Campaign - India Fight Against HIV/AIDS & STI’ pualin vawiin khan Saitual Playground-ah hun hman a ni a, Saitual Bawrhsap Dr Lalngura Tlau chu khuallian niin hun a hmanpui.

Saitual ah HIV/AIDS zirtirna beihpui hi kawngzawh a bul tan a ni a, Dr. Lalngura Tlau chuan zirlai naupangte chu Saitual PWD kawnah a vailiam a, Superintendent of Police, Pu Pukhraj Kamal chuan Keifang Kawn lama kawngzawh turte a vailiam a ni.

Dr. Lalngura Tlau chuan campaign puala kawngzawh leh intihsiakna hrang hrangte chu HIV/AIDS leh STI chungchanga inzirtirna pawimawh tak a nih thu a sawi a. Zirlai kalkhawmte chu kawng dik zawh turin mimal duhthlanna a pawimawh ber thu sawiin, duhthlanna dik siam turin kalkhawmte a chah a ni. He hunah hian campaign puala intihsiakna buatsaiha lawmman dawngtute hnenah lawmman sem a ni.

Siaha ah pawh Mizoram State AIDS Control Society (MSACS) leh District AIDS Prevention & Control Committee (DAPCC) te buatsaihin, Intensified IEC Campaign ‘India Fight Against HIV/AIDS & STI’ Observance & Prize Distribution Programme chu vawiin khan Govt Saiha College, Siaha, Seminar Hall-ah hman a ni a, District Bawrhsap Pu VL Hruaizela Khiangte chuan a hmanpui a ni.

<><><>

KOLASIB-ARECA NUT SEIZED

Nizan dar 11:30 vel khan Kolasib Tuitha Veng huam chung Kawngpui ah Burma Kuhva buara ip 160 , tualchhung rate ah cheng Nuai 32 hu ni a chhut man ani a, Kolasib Police Station ah thubuai ziahluh ani.

Aizawl atanga Silchar lam pan a tlan Kuhva phurtu Truck Assam registration nei hian Kolasib Tuitha Veng a kawng khuar chhe laia motor dang a tai avangin a ding a, chutia a ding chu a bula awm ten an enchiang a, a chhungah Kuhva ro thahnem tak hi hmuh ani a, chutihlai chuan Driver chu a

bik bo avangin Truck hi mi thenkhat in Kolasib Police Station thleng an khalh chho ani.

Truck Driver hnamdang mi Jaber Hussein Laskar (26) Bhaga, Cachar Districtchu a bik bona atanga lo chhuak in, hemi hnu hian Kolasib Police Station ah a inpe a, thubuai siam sak anih hnu in, vawiin hian Kolasib District Court ah hruai a ni.

Truck Driver chuan, Burma Kuhva hi Aizawl Veng pakhat a Truck pakhat atangin a hlang chhawng niin a sawi a, Kuhva neitu Mizo Nu pakhat chuan Vairengte ah phur thla turin a tir ni a sawiin, Vairengte ah hian mi pakhat in alo dawngsawng dawn niin a hrilh thu a sawi. A neitu hi a hriat chian loh thu sawiin, Diesel man atan cheng sing 2 chauh a pek thu Kolasib a Akasvani corr a hrilh a ni.

Hetihlai hian Kolasib District Magistrate Pu Robert C. Lalhmangaiha chuan Kolasib District chhungah ram pawn atanga Dan lo a Kuhva lakluh titawp turin khapna thupek a chhuah nawn a.

Vawiina a thuchhuah tarlan dan chuan Kolasib District huamchhungah dan phal lohvin kuhva rah tumahin an phur Iut tur a ni lova, a paltlang nan an hmang tur a ni hek lo a, Kolasib District huamchhungah mi tumah in ram pawn atanga lakluh kuhva dah khawlina Kudam an siam tur a ni lo. Godown lo awmsa tawh te pawh Superintendent of Police, Kolasib in kalh felin, thu leh awm hma chuan khawih chet awih a ni lo ang.

He thupek hian chhuah anih atanga ni 60 chhung a huam ang.

<><><>

MPCC

Mizoram Pradesh Congress Committee MPCC President Pu Lalthanzaran, Sinlung Hills Development Council inthlanah MNF Party nen an thawkho dawnlo a, Lai Autonomous District Council ah chuan tluang takin an thawkho zel dawn a ti.

Aizawl Congress Bhavan-a 'Friday Political Session' ah vawiin khan thusawiin Pu Lalthanzara chuan kar hmasa a MNF te nena an thawkho tawh tawh loh thu a sawi chu thenkhatin lo la vawngin Lai Autonomous District Council ah pawh an thawk ho tawh dawnlo niin an sawi a, LADC ah hi chuan Mizo takin an la thawkho zel dawn a ti.

MPCC President chuan khawvela ram ropui ber USA a kal Chief Minister in White House atangin chawimawina a dawng ni awma sawi anih avangin a lo haw chu ropui taka hmuah an rin laiin, a lo haw leh haw loh pawh an hre ta lo a ni a ti a, ZPM chu an kal dan tur an sawi ang zawm chuang lo sawrkar leh party an ni, a ti a, ZPM ten a ruka an zawm, an sawrkar theihna chhan chu mipui ten hria se an tawngtaisak nasa ngawt in a ring tih a sawi baw a. Puanhnuaia ZPM ten an zawm party ai chuan langsar taka an zawm Congress party chu India ram tan leh Mizoram tan a tha hle a ni a ti.

<><><>

AH&VETY MINISTER

Sorkar laipui Ministry of Animal Husbandry & Dairying buatsaih, India ram AH&Vety Minister te intawhkhawmna 'Monsoon Meet' chu Bhubaneswar, Odisha ah neih a ni a, Mizoram AH&Vety Minister Pu C. Lalsawivunga pawh he hunah hian a tel.

He intawhkhawmnaah hian Union Minister Raju Ranjan Singh chu khuallian a ni a, state tin aṅgingin Minister leh official engngemaw zat an kal a ni. He Monsoon Meet hi ranvulha eizawna leh bawngnute thar chhuahna kawnga sawrkar hmalakna hrang hrangte sawt zawka tihhlawhtlin a nih theihnana Sawrkar laipui, State leh UT te inrawnkhawmna leh sawikhawmna a ni.

He hunah hian Minister Pu Lalsawivunga pawhin thu sawiin Mobile Veterinary Unit hnuai mi chhawrte hlawh central atanga release thuai a ṭul thu te, ASF in Mizoram a tuam avanga kn tawrh nasatzia te, ran vulhtute chhawmdawl an ngaih thu te sawiin Central sawrkar chu hma laksak turin leh vaccine rang taka siam emaw ram dang aṅginga lakluh dan kawng dap turin a ngen a. Hri leng awm thar tur ven leh hriselna kawnga Govt.of India in chak taka hma a laknaah Mizoram sawrkar pawhin theihtawp a chhuah mek thu leh a chhuah zel tur thu a sawi a ni.

<><><>

NGOCC & ZO UNITED

Mizoram a NGO te intelkhawm NGO Coordination Committee leh Manipur a Zofa unau pawl Zo United hruaitute vawiin khan Central YMA Committee Room ah an inkhawm a.

Meeting hi NGOCC Chairman Pu Lalhmachhuana Central YMA President chuan a kaihruai a, Inkawmhonaah hian Zo United kal zel dan tur leh Manipur a Zofa unau hrang hrang te inpumkhatna leh inunauna chungchang te sawiho a ni a. Zo United hi Zofa unau hnam hrang hrang te lungrual taka an telna a nih avangin tih chak zel a tul thu te, inunauna leh inpumkhatna kawnga theihtawp chhuah a tul thu te sawiho a ni.

Zo United hi nikum September 7 ah khan NGO Coordination Committee in Manipura Zo hnahthlak unau pawl hrang hrangte nen Central YMA Committee Room ah din a ni a, Zo United hi Convener Pu Albert Renthlei hovin an tel a, Zo United a tel pawl hrang hrang - Hmar Inpui, Mate Tribe Council, Zomi Council, Mizo People Convention, Sukte Tribe Council, Paite Tribe Council, Tangkhal Tribe Organisation, Hill Tribe Council, Manipur Tribal Forum Delhi, Indigenous Tribes Advocacy Committee aiawh theuh te an tel a. Pawl thenkhat kawng chhia leh harsatna dang avanga tel theilo an awm bawk.

<><><>

KHEJRIWAL BAILED

Supreme Court chuan CBI ten excise policy-a eirua puh avanga an man Delhi Chief Minister leh Aam Aadmi Party (AAP) national convener Arvind Khejriwal chu vawiin khan bail-in a chhuah. Pu Khejriwal-a hi cheng nuai 10 bail bond nen chhuah tir a ni. Judge pahnih awmna Justice Surya Kant leh Justice Ujjal Bhuyan te awmna bench chuan Delhi Chief Minister-in CBI ten an man dan a khinna leh bail a dilna chu an ngaihtuah a. Vawiin khan bail hi

an phalsak ta a ni. Nilaini khan Delhi Court chuan Chief Minister Khejriwal-a judicial custody hi tun thla ni 25 thleng a lo pawhsei sak tawh a ni.

AAP hruaitu Khejriwal hi kumin March ni 21 khan excise policy-a sumchhehrelh chungchanga puhna avangin Enforcement Directorate te chuan an man a. June ni 26 khan CBI chuan he thubuaiah vek hian an man chhunzawm leh a. Supreme Court in July ni 12 a interim bail a phalsak hnuah CBI ten an hreng chhunzawm leh a ni.

<><><>

E-BUS

Union Cabinet chuan Electric Bus 38000 leina tur scheme cheng vaibelchhe 3435 hu a pawm. Union Minister for Heavy Industries and Steel H.D Kumawaswamy chuan Prime Minister eBus Sewa-Payment Security Mechanism (PSM) scheme hian kum 2024-25 atanga 2028-29 chhungin e-bus 38000 chuang lei a ni ang a ti a. Prime Minister Narendra Modia hova Union Cabinet thukhawm chuan he scheme atana hman tur cheng vaibelchhe 3435.33 a pawm tih a sawi a ni.

<><><>

SPECIAL SWACHHATA CAMPAIGN 4.0

Union Minister Dr.Jitendra Singh-a chuan vawiin khan Special Swachhata Campaign 4.0 thlen chin vilna tur web portal vawiin khan a tlangzarh. Special Campaign ah hian central sawrkar hnuaiia office zawng zawngah faina beihpui Swachhata hi awmzel nei taka kalpui tum a ni a. Kumin October ni 2 atanga ni 21 chhung hi sawrkar chuan special campaign nan a hmang thin a. Kuminah hian campaign inbuatsaihna hi September ni 16 atanga ni 30 thleng neih a ni ang.

<><><>